

QVÆSTIO MEDICA

QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS XV. DECEMBRIS.

M. ANDREA GUYET, Doctore Medico, Moderatore.

Est-ne Scorbutus ab aquarum vitio?

1123.

S CORBVTI, morborum quorum in abdomine origo est, grauissimi, vna est natura, licet sint variae species variaque nomina: cognitu quidem difficilis est, quod diuersorum morborum formas induat; non ita tamen vltauerit veteres, qui aliâ ipsam, à nostra, nomenclatione designarunt. Si pingendus est verbis, dicatur intemperies calida partium quæ nutritioni præcipuam nauant operam, imprimisque Lienis & Hepatis consociata succo melancholico corruptione deprauato sanique multâ soluto. Illic quidem prima morbi radix, sed quæ longè latèr. iners ac veluti sopitus tam fœdi morbi parens humor, nitente etiamnum foris corpore quod intus reconditam celat spurcitiem. Initio ægrum infestant spontaneæ lassitudines, grauitatis sensus ad lumbos & hypochondria, ructus, frequens expuendi necessitas, largioris vrinæ profusio, ventris segnitie, absque siti & appetentiæ deiectione. Accedit ad hæc pulsus exilis orsanique expers, pectoris angustia, mentis torpor. Cum augetur malum, jamque erumpere gestit inclusus & qui malè putruit humor, subtrudida facies plumbeo colore inficitur, pruriunt centibus deformatur. Partes inferiores haud multò meliori esse conditione declarant quæ in cruribus pedibusque conspiciuntur maculæ, rarò rubræ, vt plurimum subliuidæ & nigræ, sceleribren idcirco nominant. Diceret ex tot malorum concursione inesse vitii.

S CORBVTI non vna est forma, quod nec vnam eandemque partem affligit, nec eadem sit corporum temperatio, nec qui illum procreat humor vnus sit, nec eadem semper ratione putrefcat. Vno tamen omnes quosprehendit laborant vitio coctionis, quæ plurima cumulat bilis nigra permista ferro, quo illa velut vectore vltro citroque permeat. Hinc toti in hunc affectum propendunt qui sic nati sunt, vt terri illius succi assiduum prouentum faciant, nec iam ipsius, vt olim, per eas quæ ad ani marginem excurrunt venas profusione leuantur. Eodem biliosos esse correptos, propè inauditum est. Nec perinde quâuis anni tempestate grassatur, fere silet hyeme, & æstate; vere, quo agitur sanguis funditur, maximèque autumnus, quo ei cognatus humor dominatur, inolefcit. Et citius vbi ducitur aer conclusus nec satis perfusus, aut lacuum, stagnorum, paludum, maris, ipsius scorbuto infectorum expiratione foedatur. Ad eundem progignendum magnam quoque vim obtinent crassæ, viscidæ, saleque, ac fumo duratæ carnes. Facile & mæore aduocatur, nec rarò quiete nimia. Omnino exsibilandi qui quod peruat omnia, singularique seu priuilegio, seu maleficio, quo carer aer, altè insiguitur diturnam in corpore moram tractura? an quod Ventriculum, Lienem, Hepar, reliquæque primæ regionis partes, quas ne minimum quidem castigata primùm attingit, suis penitus vitii imbuir?

Q VEMADMODVM ad salubriorem vitam mirificè conducit optima aqua; qualis est tenuissima, purissima, & leuissima, quæ nimirum citissimè permeat hypochondria, caloris frigorisque vim promptissimè excipit, & in qua legumina celerius excoquantur, nihilque vitij, siue visu, siue gustu, siue odoratu deprehenditur; sic valetudini impensius aduersatur quæ ab illius præstantia defleat, hoc peior, quod remotior, quodque peior, eò ad scorbutum ingenerandum aptior & paratior. Eò est ingenio aqua quæ aliquando frigore congelauit & quæ ex niue pruinaque concreuit, quia namque quod erat leuissimū euauit, manente crassitudine; dura est & grauis hypochondriis, tardèque secedit. Magis adhuc fugienda, firmâ suspitione putredinis, quæ & coloris est, & odoris adulterati. Deterrima seu fontana, seu fluuiatilis, quæ nec bellè fluit, nec è laudabili scaturigine prodit, nec per spatium vitij expers decurrit, cloacarum sordes admittit, cadaueribus inquinatur, multorum concursu fluuiorum solutæque niuis & glaciæ illapsu turbatur. Par ferè ratio putealis, lacustris, stagnantis, & palustris.

S E RVM secretura Natura non solis vitur renibus, sed etiam Liene, cui ad eam rem substantiam admodum raram multiplicisque ac peramplas arterias vberimo sero refertas impertit. Alioqui metallicas aquas qui largius potant, nec tam copiosas vixque immutatas; nec tam celeriter mingendo remitterent. An & ob eam causam melancholici qui, quàm alij liberaliorem vrinam profundunt, astrictiore sunt aluo? Secus res cadit, vbi putealis, stagnans, lacustris, palustris, aut quomodocumque deprauata aqua ad potum adhibetur, quia namque crassior, obque humore crasso impeditus ac segnior, vix amplius officium facit, quidquid subinde liquoris ingeritur peregrino calore, quasi manu cohibet, & quem copiâ ac putredine molestum totum turgidus capere nequit, circa præcordia regerit. Et hanc pestem simul atque sensit secur, conalescit suâ temperie suoque robore tandem excidit, quam hausit auram perniciosam spirituum succorumque omnium corruptricem, afflat appellenti ad se chylum non amplius in purum floridumque sanguinem, sed in sanie, tabum & spurcitiem abituro. Et dubitas an te tram luem ignemque consideras adhuc quidem dolofo cineri suppositum, magna calamitas ac prorsus horrenda sint subsecutura symptomata.

Q VEMADMODVM quod magis ditantur Arariorum hirudines, hâc reliquam plebem maior premit inopia, sic tum maximè contabescunt infelicitateque nutriuntur singulæ corporis partes, cum vnus intumescit lien, pleniorque ac solito maior euadit. Inde nempe lutulentus nec à sua face repurgatus, ac propterea parum ad alendum accommodatus sanguis ægrè fluit per venas & arterias, nec tam recreat, quàm suis sordibus obruit partes ad quas deducitur: hæc porro nullis pene spiritibus illustratæ languent, nec satis se fœdi alimenti reliquiis expediunt, & cus est, perhorrescenda. Crura & tibie licet ori & gingiuis molitudine cedant, fere tamen atris maculis, interdum & vlcibus nulla cicatrice obducendis infestantur, quod à natui ca adeo nau in terram aduectis & prauis aquis antea vis familiaris est morbus: Eo quidem persape laborant qui palustribus in locis degunt, at multò frequentius Balhici & Germanici maris accolæ.

Ergo est Scorbutus ab aquarum vitio.

DOMINI DOCTORES DISPVATVRI.

M. Raphael Maurin.
M. Ludonicus Gallais.
M. Franciscus Gouel.

M. Petrus Cresté.
M. Petrus Lelange.
M. Antonius Ioannes Morand.

M. Gilbertus Puylon.
M. Ioannes Vacherot.
M. Claudius Seguin, primarius Regine Matris Medicus.

Proponebat Lutetiæ CAROLVS BRISSET, Druida, A. R. S. H. M. DC. LXI.

